

140  
1940 1/2

საქართველოს  
ბიბლიოთეკა


# ბიბლიოთეკა



სსსს

1940 წ.

№ 6



ამა წლის 22 ივნისს შესრულდა ასი წელი  
საქართველოს დიდი ლირიკოსის, საეგარელო  
ქართველი მკონის, აკაკი როსტომის-ძე  
წერეთლის დაბადებიდან.

ჩვენი ჟურნალის ეს ნომერი მთლიანად  
ემდგნება ამ სახელოვან იუბილარს.

რედაქცია.



მკაგ.



### ძველ სკეჟოს

...ნუთუ ჯერ ვერ შეგინიშნავს,  
ის ვარსკვლავი როგორ ბრწყინავს?  
შენი არის!.. ბედს გექადის!  
მიეგებე, ნულა გძინავს!..  
მოემზადე, ახალი დრო  
შესამკობლად გვირგვინს გიწნავს!

(1863 წ.)

ქუჩ





# მოსწავლე და მასწავლებელი



რომ მოხუცებულ ბრძენს მეფემ შვილი მიაბარა, როგორც ამის გვარი-შვილობას უჭყვეროდეს, ისე გამიზნარდეთ. მოძღვარი ბიგის ცვადა, მაგრამ უნიჟო მოწაფეს ვერა შეასმინა რა. რომ დაეჯიკადა ის უფლისწული, მამამ შემოუთვალა გამზრდელს: მოდი და ჩემი შვილი მომგვარეო. გამზრდელმა გაზრდილს დაუძახა, ვადასცა მამის სურვილი, გამოაწყო მგზავრად და წაიყვანა. გზაში ასე უთხრა: შვილო, ჩემ სახლში, რაც შემეძლო, წრთენა შენთვის არ მომიკლია და სანამ მამასვე არ ჩავაბარებ, არც გზაში მოგიშლიო. უკანასკნელად კიდევ მოგცემ დარიგებას, მერე შენ იციო: დაუჯერებელს ნუ დაიჯერებო; სადაც არ მისწვდეთ, იქით ხელს ნუ გაიშვებო; ვადასულ საქმეს ნუ ინანებო; გზაზე რომ მიდიოდე, განზე ყურებას ნუ დაიწყებ, წინ დაიხედეთ; ბრიყვისაგან ნურა გეწყინება რაო; ავზე ნუ აჩქარდები და კარგზე ნუ გვიანობი!

დაარიგა და გაუღდენ გზას. გზაზე მოწაფემ ჩიტი დაიჭირა და ჩაიხისა უბეში.

— რად გინდა ეგ ჩიტი, ცოდაო, გაუშვიო, — უთხრა მოძღვარმა და მოწაფემაც დაუჯერა და გაუშვა. — ოჰ, ეგ რა ჰქენ! როგორ გაბრიყვდი, რომ ბედი ხელიდან გაუშვიო?! — მიაყვირა მოხუცმა ყმაწვილს. — ეგ უბრალო ჩიტი კი ნუ გგონია, კუჭში ბატის კვერცხის ხელა მარგალიტი უძვისო!

შეუწხდა უფლისწული, გამოუღდა ისევ დასაქვრად ჩიტი. პატარა ჩიტი ხეზე შეფერინდა, ერთი შტოდან მორიგეზე გადადიოდა, ის კი ხელს უშვებდა და ეგრე იჭერდა. ბოლის სულ ვაფრინდა ჩიტი. ყმაწვილმა ტირილი დაიწყო. მოხუცმა უთხრა: ავრე იმარხავ შენ ჩემ დარიგებასო? აკი ვითხარი, რომ დაუჯერებელს ნუ დაიჯერებო: ეგ ჩიტი რომ თითონ არ იყო ქათმის ხელა, ბატის კვირცხის ოდენა მარგალიტი კუჭში როგორ დაეტყოდაო? რასაც ხელი არ მიგიწვდებოდა, რიდასთვის აშვებდი, განა? გაჯერ-

ნილი ჩიტის დაქვრა მოსახერხებელიაო? და მართლაც რომ ყოფილიყო, წარსულ საქმეს ტირილით როგორ და გამოაბრუნებდი, რაც თავს არ შეიწუხებდი უბრალოდ არ ვითხარ, რომ წარსულ საქმეს ნუ ინანებო?! — შერცხვა ყმაწვილს და გაპყვი მობუტს თავჩაღულთული. დიდი იარეს, პატარა იარეს, შევიდნენ ერთ სოფელში და გაპყვენ შუკას. შუკის პირად გადაღმა-გადმოღმა მოსახლეები იდგნენ. უფლისწულმა აქეთი-იქით თვალიერება დაიწყო, უცხად ფეხი ქვას წამოსოდა და ძირს დაეცა. აქ შორიხლოს ჩრდილში ერთი ვილაც საპყარი ველ და სიცილი აიტეხა. უფლისწულს გული მოუვიდა და შეუტია ვასალახავად. ბრძენმა ხელი მოჰკიდა, შეაჩერა და უთხრა: რად დაივიწყე ჩემი დარიგებო? სიარულის დროს რად იხედებო? ის კაცი საპყარია, ვერაოდეს ვერ წამოღგება, ძირსა ვლია, შენ კი უცხად წაიქეცი, მაგრამ იმავე წამს ზეზე წამოღდე და ის კი სიცილს გაყრისო. ბრიყვი თუ არ იყოს, ამას როგორ იზამდა და ბრიყვისაგან რათ რამე გეწყინაო? და საკეამდ რომ არ მიგეშურებია იმ საპყარისათვის, განა გაგმეტყულოაო?

შერცხვა კიდევ უფლისწულს, გაპყვა თან. სოფლის ბოლოს რომ მივიდნენ, იქაც კიდევ ერთი საპყარი დაუხვდათ, მოწყალებას ითხოვდა.

— არიქა, გაიქეცი და მალე მიეცი სამოწყალო, ურჩია მოძღვარმა. მოწაფემ გაიცინა: ეს იმისთანა საპყარი არ არის, სად გამეტყუაო?

— იქ სხვა იყო და აქ სხვა არისო, — მიუყო მოძღვარმა, — იქ ცულ საქმეზე მიდიოდი და აქ კი კარგზე ვაგზავნიო! აკი ვირჩიე, ცულზე ნუ აჩქარდები და კარგზე ნუ დაიგვიანებო.

წავიდნენ კიდევ. მივიდნენ ერთ ტყის პირას. ვადასუბია ტყეში მოხუცმა, გამოჭრა ჯოხი და დაიბჯინა, ყმაწვილს უთხრა: თუ გინდა, რომ არ დაიღალო, შედი ტყეში და მომხმარე იშოვეო. ისიც შევიდა ტყეში, ბევრი იარა, მაგრამ ვერაივან ნახა, გამოვიდა ისევ ხელცარიელი.

სასახლის კარს რომ მიუახლოვდნენ, უფლისწულმა სიტყვა:

— მე ძლივს მოვათარე ფეხებს და შენ კი დაღალვა არ დატყობიო!



—მე მომხმარე ვიშოვნე ტყეში და შენ კი ვერაო,  
— აბა სად არისო!

— აი ეს არისო,— უჩვენა მოხუცმა ჯიბი.

ამით ვათავდა მათი საუბარი. მივიდნენ სასახლე-  
ში. მეფემ ნახა თავისი შვილი, ათთავალ-ჩაათავალიერა,  
გამოჰკითხა ბევრი რამ და ჰკუა რომ ვერ შეატყო,  
გაჯაურდა მოხუცზე: არაფერი არ უსწავლებიბით ჩემი  
შვილისთვისაო.

ბრძენმა მოახსენა მეფეს: ერთი სათქმელი მაქვს,  
ის მომისმინეთ და მერე შემოსხეთო; ერთი  
კაცი მომგვარეს სტუმრად სახლში. მე ვერ მივიღე,  
რომ უნდოდა ისე, რადგანაც ბინა არა მქონდა,  
მწყრაღადაც დავუხვდი, სტუმარიც ვაჯაურდა და

წვიდა, აღარ დადგა ჩემ სახლში და მომყვანს ბრა-  
ლი რამ აქვს თუ არაო?

მეფემ ბრძანა:

— მომყვანს რა ექნა, ეგ მასპინძელს უნდა  
რომ კარგად ვერ მიუღია და ბინა არ ჰქონიაო.

— მაშ, მე რაღათ მიწყურებით, დიდებულო  
მეფეო,— მიუგო ბრძენმა: სწავლა და მეცნიერება  
სტუმარია, ჰკუა კი მასპინძელი, და თუ თავში ჰკუა  
მწყრაღადაც არის, აღარც ისინი მოიციდიანო, მე ისინი  
მოვგვარებ ამ თქვენ შვილს, მაგრამ მაგას რომ ბინა  
არ ჰქონდეს მათთვის და ვერ მიიღოს, ჩემი რა  
ბრალდებო? ვანა არ მოგვხსენებთ ანდაზა: „რა გიყო,  
ძმავო თარხანო, თუ კი ჰკუაზე თხლად ხარო“.

## გაზაფხული

დღეს მერცხალი შემოფრინდა, —  
ჰიკვჩითა გადმომძახა:  
„გაზაფხული! გაზაფხული!“  
გულს იმედი დამესახა.

მივდექ სარკმელს, გადავიხედე,  
არემარე მესხვაფერა! —  
სასოებამ ფრთა გაშალა,  
გულსა მკრა და ამიძგერა!

სუნი მეცა გაზაფხულის,  
უცნაური ვიგრძენ ძალი...  
ვსთქვი, თუ: „გულსა რაღად ვიტენ?  
ახლოს არის მომავალი!“

„მოვესწრები, რაც მინდოდა  
ზამთრისაგან დაჩაგრულსა:  
ენახავ ქორწილს ბუნებისას,  
გავიგონებ მის მაყრულსა.“

„დავეუნო ვარდსა ვადაშლილსა,  
ვუჭკრეტ ნახად დახრილ იას  
და ბულბულიც ვამავონებს  
მისებურად „ტია, ტიას!“

1881 წ.

ჭკაკ





# დიდი ბაბუა

ეს დიდი ბაბუა თითქოს ხელჯინავსილი ამბებით მოვიდოდა ჩვენთან: რას არ ამოლაგებდა მისი მდიდარი ფანტაზიიდან, რა სასაცილოს და ზოგჯერ რა გულსმომწყველ ამბებს ჩვენი წარსულიდან.

ჩემო კარგებო!  
აკაკი წერეთლის სახელი მუდამ საყვარელი სახელი იყო ჩვენსო.

ის უყვარდა დილსაც და პატარასაც. უყვართ დღესაც. ეყვარებთ მომავალშიაც.

და, რასაკვირველია, მართო სახელისათვის კი არ უყვართ დიდი აკაკი, არამედ იმიტომ, რომ ეს კაცი დიდი მოამბევა, დიდი მოჭირნახლე თავის ქვეყნისა, დიდი პოეტი.

დღეებმა იცოდნენ, რომ აკაკი მათი გოლის ნადების გამოთქმელი იყო, მათი ცხოვრების სწორ-უტყუარი ამსახველი. ბავშვებს კი უყვარდათ იმიტომ, რომ არაფერი არ იცოდა ბავშვებთან ისეთი ტყბილი და სასარგებლო საუბარი, როგორც აკაკიმ.

პირველ შეხვედრისთანავე ის გაუშინაურდებოდა ბავშვს, რაგინდ დარცხენილი და მოკრძალებული ბავშვიც არ უნდა ყოფილიყო, ბავშვი მასთან ორი სიტყვის შემდეგ თავისუფლად გრძნობდა და თამამად ეტიტიუნებოდა ამ დიდ ბაბუსს.

ეს ბაბუა კი, ბამბის ქულასავით თმათეთრი და პირმკინარი ბაბუა, ხალისით უამბობდა ნორჩ მეგობრებს მომხიბლავ ზღაპრებს, გმირულ ამბებს საქართველოს წარსულიდან, ანდაზებს, ზმებს, ჩქარა გამოსთქმელებს ანუ ენის გასატყსს, და ბავშვებთან ერთად გულიანად ხიბობებოდა.

მეც მასსოვს ჩემი ბავშვობის დროს აკაკის მიერ თქმული ზმა:

„ჯამბა კურ დღე დილას იღებს,  
ღამ-ღამობით ღებავს შალსო...“

პირველად ვერ მივხვდი, მაგრამ მფორეჯერ რომ გადამეორა, უცბად წამოვიძახე: „კურდღელი“ — მეთქი. ამაზე გაიღიმა და შემდეგ ასეთ ენის გასატყსზე გამტკრევიანა თავი. ეს თქვენც გეცოდინებათ, მაგრამ მე ერთხელ კიდევ მოგახსენებთ:

„კურდღელიო! რას გამოგიციტუნ-კატუნ-ყურებ-ყავარჯანიანებია ეგ თავი? მოვილ, ყავარჯენს დაგარტყამ, კიდევ უფრო გამოგაციტუნ-კატუნ-ყურებ-ყავარჯანიანებ მაგ თავს“. ამან საქმე ძალზე გამიჭირვა და საყვარელმა აკაკიმ მეერი იხიბოთა.

მისი მოსკლა ჩვენს ოჯახში ხომ მთელი ზეიმი იყო.

მან ბავშვობიდანვე ჩამინერგა საუკეთესო, აღამიანური მისწრაფებანი: დაჩაგრულითა სიყვარული, მეგობრობა, სამშობლოსათვის, ხალხისათვის თავისდადება და ბრძოლა ყოველგვარი ძალმომრეობის წინააღმდეგ.

და განა მართო მე... მთელი თავი მაიზარდა აკაკის ნაწერებზე. დღეს, როდესაც დიდი სტალინის კაჟკაშა მზე ასე უხვად ანათებს ჩვენს ქვეყანას, კიდევ უფრო გვმართებს შევიყვაროთ ეს დიდი ბაბუა, რომელმაც მთელი თავისი ხანგრძლივი სიცოცხლე შესწირა მის დროს პოლიტიკურად დამონებული და ეკონომიურად დაჩაგრული ხალხის განათვისუფლებიანათვის ბრძოლას.

დღეს ჩვენი ქვეყანა, ჩვენი ხალხი ლაღია და თავისუფალი. ამიტომ კიდევ უფრო გვმართებს ამ ქვეყნის სიყვარული, მისთვის შრომა, მისთვის სიცოცხლე და იმავე დროს მადლობითა და სიყვარულით მოხსენიება იმ დიდი ბაბუს სახელისა, რომელიც გამოითქმება ორი სიტყვით: აკაკი წერეთელი.



აკაკი წერეთლის ხელში შვირავს გოგონა ვახრავილი.

# ქაქაქი წაჩათაღის ბავშობა და ყჩაობა

(ნაჩყვეტი პოემიდან)

ქართული  
ბიბლიოთეკა

რა უხეში, რა ცბიერი იყო გიმნაზიის კერი,  
ყველა აღამიანური ღირსების და სახის მტერი.

რა სიბნელე, რა წყვედიდი იყო განათლება მათი,  
იმ ხანებში წიგნი მაინც იყო მეტად იშვიათი.

და ახშობდნენ მათ გაგებას, ვინც უხვევდა ქადაგებას  
და ბედელდა მშობლიური ენით დალაპარაკებას.

იყო მტრობა, იყო შური, დევნა მგლური და ველური,  
ღელღებოდა, შფოთდებოდა მაშინ სული ქართველური.

რარიგ ძნელი, რარიგ მძიმე იყო მისთვის სკოლის მღვიმე,  
გიმნაზიის ბოლომდის კი თვე რჩებოდა რამდენიმე.

მაშინ ყრმამან გაიგონა საუბარი, თუ ვით მონა  
გამოფხიზლდა და გულმკერდში იარალი ჩაიკონა.

გაიგონა, თუ ვინ მისცა პოლონელებს ნატვრა მზისა  
და ანებები საფრანგეთის ღელვის, რეგოლუციისა.

სწორედ ის დრო იყო, ოდეს ყრმისა გულში, მსგავსად შფოთის,—  
ხმით შეიკრა ისტორია დიდი კონრად ვალენროდის.

ვალენროდის წრფელი გული, ვალენროდის დიდი სული,—  
აღაგზნებდა ეს სახელი და ეს გმირი ეროვნული.

მის პოეტურ წარმოდგენას, არ აძლევდა ჟამი თმენას,  
იგი მოაჯადოებდა, ის აძლევდა აღმაფრენას.

ვალენროდად, გმირად მართლად, მოვლენილად ჩვენად — ქართველად,  
რად არ უნდა გამხდარიყო წერეთელიც მთავარსარდლად?!

*გვამახარებოთ*





მოურავზე:

„— ბელღს თავი შეგვევია  
ხრავს, თუ რაც საზრავიათ,  
მაგრამ თვითონ დიდი თავგი  
თვითონ მოურავიაო!...“

ამგვარ შიორებს პატარა აკაი ბევრს თხზავდა  
ზეპირად (წერა ჯერ არ იცოდა), მაგრამ ისინი  
ჩვენამდის არ მოსულა.

საგულისხმოა განსაკუთრებით ის ლექსი, რომე-  
ლიც თორმეტი წლის აკაის სასახლის მშენებელი  
ბაღჩაში ფიცარზე საკუთარი ხელით დაუწერია:

„ერთგულება ოჯახისა მრავალ კეთილს გააჩენსა,  
კლდესა შრომით მიწას შეიქმნს, უთევზო წყალს თევზს აჩენსა,  
არად შერაცხს შრომა ტანჯვას საბოლოოდ მოსალხენსა!...  
და სხვა.“

აკაი 10 წლის იყო, როცა დაიწყო სცენების  
წერა. სცენებში უმთავრესად გამოჰყავდა ბიჭები,  
რომლებიც მუდამ ცულლუტობდნენ და ერთმანეთს  
აბეზღებდნენ ბატონთან. მისი პიესების მთავარ გმირს  
წარმოადგენდა აგრეთვე მოურავიც, რომელიც  
მას ყოველთვის გაიძვერად და მატყუარად გამო-  
ყავდა.

აკაის ბავშვობის ლექსებშივე მძლავრად გამო-  
სკვივის სატირისა და ჰუმორის ელემენტები. გესლია-  
ნი და ენამწარე იგი ბავშვობაშიც ყოფილა. ამი-  
ტომაც უთქვამთ მასზე: ეს ბავშვი ძალიან მთელ ქვე-  
ყანას გაღაიმტერებსო, მაგრამ პირიქით კი მოხდა:  
მართლის მთქმულმა მგოსანმა მალე დაიმსახურა  
თავისი ხალხის ღრმა სიყვარული.



აკაის ძლიერ ჰყვარებია, როც სოფლის  
მოზრდილი ბიჭები ან მისი ფარეშები  
გაშაირებას დაიწყებდნენ. ყურს დაუგ-  
დებდა მათ, შემდეგ თვითონაც ჩაე-  
რეოდა შაირობაში. ცხელ-ცხელი შაირების გა-  
მოთქმა პატარა აკაის ჩინებულად ეხერხებოდა,  
ყველას სჯობნიდა. არ დარჩენილა სასახლეში არა-  
ვინ, ვიზედაც მას რაიმე არ გამოეთქვას. აი რა  
გამოეთქვა მან ხაბაზს:


„— შენი გამომცხვარი პური,  
ლავაში და მურასაო,  
ადამიანს არ ეტყება,  
გადაუგდე მურასაო!...“

შინაყმა თომა სადუნოშვილს:

„— ყვაო, ყვაო, ყვანალო,  
ჩამოტივლია ჭალო,  
თუ შეიტყვე, როდის მოვა  
ჩვენი თომა ქანალო!...“

მემარნეს:

„— ხელოსანი მარანშია,  
ღვინოს იღებს ხაპითაო,  
ჭურის თავზე იბრუება,  
სხვებს კი ასმევს ყლაპითაო!...“



აკაის სახლი სოფელ სვიტორში.



# ერთ ლიბერალურ სალამიზე

დავით გვირგვინი

(დასახ. მასწავლებელი)



დიდ ლიბერალს აკაკი წერეთელს მეტად ემარჯვებოდა სატი-  
რითა და იგავთქმით გამოსვლა მეფის მთავრობის ლაქიების გასა-  
ნიავებლად. არ მახოვს, რომელ წელს იყო, აკაკი ერთ-ერთ  
სალიტერატურა სალამოზე იყო თბილისში მიწვეული.

გამოჩნდა საყვარელი მგოსანი სცენაზე თუ არა, ტაშისცემას და ვაშს შებახილს საზღვარი  
არ ჰქონდა. აკაკიმ წარმოთქვა ლექსი, რომელმაც დიდი ალტაცება გამოიწვია... ტაშისცემა დიდხანს  
გაგრძელდა... მგოსანს კიდევ იწვევდნენ და გაიძახოდნენ „ბის!... აკაკი გამოჩნდა მეორეჯერ  
და კიდევ უკეთესი სატირული ლექსი წაიკითხა...

ამ დროს მან თეატრის კარებთან თვალი მოჰკრა „საადმინისტრაციო სკამზე“ პოლიციის  
ბოქაულს. (პოლიციელები მორიგეობით ესწრებოდნენ ასეთ სალამოებს, რათა არაეის არ წარ-  
მოეთქვა მთავრობის საწინააღმდეგე რამე), აკაკი გავიდა სცენიდან...

ატყდა ისევ ტაშისცემა და არ დამთავრდა, სანამ აკაკი მესამეჯერ არ გამოჩნდა სცენაზე.  
გადაავლო თვალი კიდევ საზოგადოებას, ცაოტახანს შეჩერდა და როდესაც შეწყდა ტაშისცემა,  
აკაკიმ ექსპრომტად თქვა:

„ქმარა, კმარა,  
გაჭუმუღებო, თვარა  
ბევრი ჩემისთანა  
შოოსა გაემგზავრა...  
თუ რამე ვსთქვი მუტი,  
აქ მომზღვება კვტი

და თქვენ იტყვიო მათნი:  
„გიფი იყო, ცეტი“  
არა! არა! არა!  
რაც ვსთქვი, ისიც კმარა,  
თორემ, ვიცო, დამერქმევა  
ბოლოს „მეტიზარა“.

ამ ლექსის თქმის შემდეგ აკაკი მართლაც იღარ გამოვიდა სცენაზე.



## სოლომონ საიშვილი

სამხედრო სამსახურში შესვლით გატაცებულ აკაკის გიმნაზია არ დაუმთავრებია. გაუტანია  
რა საჭირო მოწოდებები 1859 წლის 23 თებერვალს, გიმნაზიის მეშვიდე კლასიდან პირდაპირ  
პეტერბურგისაკენ გამგზავრებულა, მაგრამ აქ თავმოყრილ სტუდენტებს, რომელთა შორის იყ-  
ვნენ ილია ჭავჭავაძე, ნ. ნიკოლაძე, კ. ლორთქიფანიძე და სხვები, აკაკისათვის პირვანდელი გა-  
დაწყვეტილება შეუცვლევინებიათ და პოეტად 1859 წ. უნივერსიტეტის აღმოსავლეთის ენათა  
ფაკულტეტზე ჩარიცხულთა თავისუფალ მსმენელად, რადგანაც გიმნაზია დამთავრებული არ ჰქონდა.  
თავისუფალ მსმენელთათვის სავალდებულო არ ყოფილა უნივერსიტეტში 4 წელი დარჩე-  
ნა, მათ უფლება ჰქონდათ სურვილისამებრ ჩაებარებინათ საგნები და სადიპლომო შრომაც  
წარედგინათ.

პეტერბურგის უნივერსიტეტის არქივში აღმოუჩენიათ, რომ აკაკი წერეთელს უნივერსიტე-  
ტის რექტორისათვის მიუცვია თხოვნა კანდიდატის ხარისხით უნივერსიტეტის დამკვირვების გა-  
მოცდაზე დაშვების შესახებ. 1851 წლის 14 აპრილს თხოვნა დაუკმაყოფილებიათ, აკაკისაც  
მზადება დაუწყია და იმავე წლის 16 აპრილს კარგად ჩაუბარებია გამოცდები რვა საგანში.  
მაგრამ ამითგან ორ საგანში, ფრანგულსა და აზერბაიჯანულ—თათრულ ენებში, სამიანები მიუღია.

როგორც ფაქულტეტის დეკანი ერთი მოხსენებიდან მტკიცდება, აკაკის ჩვეულებად ჰქონია, თუ საგანი კარგად არ ჰქონდა დამზადებული, გამოცდაზე არ მივიდოდა და თუ ცუდ ნიშანს მიიღებდა, ხელახლა ითხოვდა გამეორებით გამოცდას. ამ შემთხვევაშიც ასე მოქცეულა და კიდევ მიუღწევია მიზნისათვის, მაგრამ ერთი სამიანი მაინც შერჩენია (თათრულ ენაში). განმელებულა თათრულ ენაში ნიშნის გამოსწორება, სანამ, აკაკის თხოვნით, მზრუნველი არ ჩარეულა საქმეში. ეს ხელახალი თხოვნა გარჩეულა 1862 წლის 13 აპრილს (თითქმის ერთი წლის შემდეგ) აღმოსავლეთის ენათა ფაკულტეტის სხდომაზე და აკაკისაც ცვლავ ღირსებია გამოცდაზე დაშვება, სადაც „4“ მიუღია.

ამის შემდეგ აკაკისთვის მიუნიჭებიათ უფლება წარედგინა საკანდიდატო თხოვნება, რომლის თემად აურჩევია: „ვეფხისტყაოსნის“ ორიგინალობის შესახებ“. წარმოდგენილი შრომა თუმცა მოუწონებიათ, მაგრამ რაკი აკაკის ვერ წარუდგენია მოწოდება გიმნაზიის დამთავრების შესახებ, აღნიშნული ხარისხიც ვერ მიუღია. ამგვარად საქართველოს დიდი მგოსანი, რომელმაც უნივერსიტეტი ფაქტიურად უკვე დაამთავრა 1862 წელს, მაინც უდიპლომოდ დარჩენილა.

# სტუმრად გლახთან

## სანერო ჟღანძი



ახეთს მოვიდა სახეგაშლილი,  
დარბაისელი ჭალაროსანი...  
და მზიარული გრძნობით ავისილი  
მგოსანს ესტუმრა დიდი მგოსანი.

გაშალეს სუფრა... მრავალქამიერ,  
იყო ვარდობა და გაზაფხული  
თითქოს მტრის სისხლი ყანწით დალიეს,  
ისე წვეთავდა ღვინო კახური.

ალაზნის ველიც ჩანდა ნაქარგი,  
კახეთის გულში ჩამდგარი ღვინით...  
— იყოს დღეგრძელი ჩვენი აკაკი!  
შესვით, ჭიჭები აავსეთ ღვინით!


მრავალქამიერ ჩანგს და ნალარას,  
სამშობლო მზარის მზიან „განთიადს“,  
და თუ „ხანჯალმა“ არ გაგვახარა,  
მომავლის სხივი მაინც ანთია.

იკოცლებ დიდხანს, ლექსმაც გვახაროს,  
დიდი მგოსანი ხალხმა გიწოდა,  
და არ მოკვდება იგი არასდროს,  
ვინც ამირანის ცეცხლით იწვოდა!



## აკაკის ფსევდონიმები

აკაკის თავის სამწერლო მოღვაწეობის პირველ ხანებში რამდენიმე ფსევდონიმი გამოუტყვლია. ასეთი იყო: „ს-ღი“, „წ“, „იმერელი“, „ად-სამარიძე“, „ჯ“, „გა-ჩეჩილაძე“, „ღელ



სახლი ქუთაისში, სადაც ცხოვრობდა აკაკი.

## აკაკის ფსევდონიმები

ვამეხის-ძე დიდიანი“, „სხვიტორელი“, „თერგდალეული“ „გერ მიცანი ნინიაო“, „გიორგი ქართველი-შვილი“ და „ჩოხოსანი“. უკანასკნელ დროს კი ყველაზე „აკაკის“ აწერდა.

## ღაკია ახვლედიანი

# დავირუნათ?

საბავშვო ჟურნალის „ნაკადულის“ რედაქციაში, რომლის სარედაქციო კოლეგიის წევრი მეც ვიყავი, ბევრი მასალა შემოდიოდა. ჩვენ ვარჩევდით რჩეულ საბავშვო ლექსებს, მოთხრობებს და ვთავაზობდით ჟურნალში; ზოგიერთ სუსტ ნაწარმოებს ვიწუნებდით, მაგრამ დაწუნებულ მასალას ავტორს არ ვუბრუნებდით. აკაკი წერეთელი ხშირად გვაწვდიდა ლექსებს. მას ძალიან უხაროდა, რომ ჩვენ შეეძვლით საბავშვო ჟურნალის დაარსება.

ერთხელ აკაკიმ ხუთი საბავშვო ლექსი ერთად გამოგვიგზავნა. ჩვენ სამი მოვიწინეთ, ორი ლექსი კი გადავდეთ. რამდენიმე ხნის შემდეგ აკაკიმ მკითხა:

- ჩემი ლექსები მიიღეთ?
- კი, ბატონო, მივიღეთ, — ვუბასუხე მე.
- მერე?
- სამი უკვე დასაბეჭდად არის გამოზადებული.
- დანარჩენი?

მე მომერიდა, დაწუნების შესახებ ვერაფერი ვუთხარი.

— რად გაჩუმიდი, დამიწუნეთ?

— ბატონო, თქვენს ლექსს როგორ დავიწუნებდით, მაგრამ რაღაც ისე თქვეს, თითქოს ბავშვებისათვის შეუფერებელიაო, — მოკრძალებით ვუბასუხე.

— ხა — ხა — ხა — ხა! მე მგონი, ეს დაწუნებაა. ესაღ მაკლდა, რომ შენ და მარიამმა (გულისხმობდა „ნაკადულის“ რედაქტორს მარიამ დემურისას) ლექსები დამიწუნეთ. დანარჩენი რომელ ნაგავს გადააყოლეო? მითხარით მაინც, ეგებ მე თვითონ ვიპოვო ჩემი ლექსებიო, — თქ ა აკაკიმ.

— რასა ბრძანებთ, ბატონო, იქ დაწუნებას არ ჰქონია ადგილი, ალბათ, დაიბეჭდება, მხოლოდ ის სამი ლექსი კი უფრო მოეწონა ყველას.

— რას იზამ, ქალების ხელში ჩემი მტერი ჩავარდაო, — სიცილით მითხრა აკაკიმ.



როცა მე მოწაფე ვიყავი, აკაკის ვიცნობდი როგორც საუკეთესო პოეტს, პირადად კი არა-  
სოდეს არ მენახა. მენატრებოდა „სულიკოსი“, და სხვა მშვენიერი ლექსების ავტორის ნახვა.  
ეს ნატრაც ამისრულდა.

ბავშვობიდანვე გამიტაცა თეატრმა, მაგრამ ობოლს არ მქონდა ბილეთის შეძენის საშუალებ-  
ა და ამიტომაც ბევრჯერ, წარმოდგენის დაწყებამდის, ვმდგარვარ თეატრის კარებთან და  
თვალ-ყური მიდევნებია იმ ბედნიერთათვის, რომელთაც მქონდათ წარმოდგენაზე დასასწრები  
ბილეთი.

არ მასხვს რომელი თვე იყო, ამხანაგებთან ერთად ვიდექი თეატრის კარებთან. წარმოდგენა  
იწყებოდა. უცბად თავზე წამოგვადგა ძვირფას ქურქში გავხეული ახოვანი ვაჟაკი. ბავშვებმა  
გზა დაუთმეთ. ერთმა წამწერჩულა ყურიში: ეს აკაკიო! სიხარულმა ამიტაცა, მაშინვე თეატრის  
დერეფანში შევეცი. კუთხეში მივიხალე და იქიდან დაუფუცე ცნობისმოყვარეობით ცქერა. თეატრის  
მსახურმა მას ქურქი ჩამოართვა. დერეფანში მყოფი ხალხიდან უმეტესობა აკაკის ნაცნობები აღმო-  
ჩნდნენ. ისინი დიდს სიყვარულით ეგებებოდნენ და სალამს აძლევდევდნენ მას.

რა ლამაზი ვაჟაკი იყო აკაკი: ახოვანი ტანი, მაღალი შუბლი, ახლად ქალარაშვრელი  
ხეუჭა თმა, გამომეტყველებით აღსავსე ალერსიანი თვალები— განსაკუთრებული მიმზიდველობის  
მქონე ვაჟაკს ვეიხატავდა. ის, ვინცე უცნობს რომ ენახა, მაშინვე იტყოდა: ეს კაცი უმკვლად  
დიდი აღამიანიაო.

აკაკის ძალიან უყვარდა თეატრი. როგორც ქართული თეატრის მუმგერაზის მსახიობ ვასო  
აბაშიძისაგან გამიგონია, ჯერ კიდევ ახალგაზრდობისას აკაკი თეატრის ანტრეპრენიორიც ყოფი-  
ლა. აკაკის თავისი საკუთარი თანხები დაუხარჯავს, რომ როგორც ქართული თეატრის, სეზონი  
შემდგარიყო და ის ორიოდ მსახიობი, რომელიც მაშინ ჰყავდა ქართულ თეატრს არ გაფანტუ-  
ლიყო, საშუალოდ არ გამოეცტილიყო ქართული თეატრის კარები. როგორც დრამატურგი,  
აკაკი ძალიან ნაყოფიერი და დიდი მოამაგე იყო ქართული თეატრისა, სეზონი ისე არ გავიდო-  
და რომ აკაკის რაიმე პიესა ორიგინალური ან ნათარგმნი არ მოეტანა თეატრში.

ყოფილა ასეთი შემთხვევა: ერთერთ ხეთშაბათს, დანიშნულია თურმე ნატო ვაბუნიას  
ბენეფისი, რომელშიაც მონაწილეობა უნდა მიეღოთ, როგორც ბენეფიციანტს—ნატო ვაბუნიას,  
აგრეთვე მაკო საფაროვა-აბაშიძისას. წარმოდგენის წინა დღეებში მაკო საფაროვა-აბაშიძისა  
უცბად ავად ვაშხდარა. ისე რომ წარმოდგენაში მონაწილეობას ვეღარ მიიღებდა და საბენეფი-  
სო წარმოდგენა უნდა გადაედოთ. იმ დროს საბენეფისო წარმოდგენის გადადება დიდი უბედუ-  
რება იყო ქართველი მსახიობისათვის, რადგანაც ბენეფისი ერთადერთ შემოსავალს წყაროდ ითვლე-  
ბოდა მაშინ. ამ მდგომარეობით დაღონებულ მსახიობებთან რეპეტიციაზე სრულიად შემთხვევით  
მოსულა აკაკი.

ვაუგია საქმის ვითარება, ნატო ვაბუნია დაუმშვიდებია და უთქვამს: ნატო, ნუ სწუხარ,  
მე ხეალ დილით მოვიტან სიეთ პიესას, რომელშიაც მხოლოდ ერთი ქალის როლი იქნებაო.  
მართლაც, იმავე ღამეს პატივცემულ აკაკის დაეწერა და მეორე დილით მოეტანა თეატრში პიესა  
„კინტო“, რომელშიაც მხოლოდ ერთი ქალის როლია. ის პიესა მსახიობებს სამ დღეში მოემ-  
ზადებიათ და ასე, აკაკის დახმარებით, გადაურჩინიათ გადაღებიდან ნატო ვაბუნიას საბენეფისო  
წარმოდგენა.

აკაკი ძალიან დაახლოებული იყო თეატრთან. მას იმდენად უყვარდა სცენა, კულისები და  
აქტიორთა წრე, რომ 1903 წელს, როდესაც შესთავაზეს ქართული თეატრის რეჟისორობა,  
დათანხმდა და გულმოდგინედ შეუდგა მზადებას სეზონისათვის. სწორედ ამ სეზონის დასაწყისში  
ვალერიან ვუნიას მეთაურობით გაიმართა გამოსაცდელი წარმოდგენა, რის შემდეგაც ჩარიცხული ვიყავ-  
ი ქართული თეატრის დასში, როგორც ახალგაზრდა მსახიობი. ასე რომ, პირველი ჩემი რეჟი-  
სორი, რომელმაც პირველ წარმოდგენაზე პიესა „სამშობლოში“ მიმცა პატარა ბიჭის როლი,  
იყო აკაკი... მეორედ აკაკიმ დღეა თვისივე პიესა „პატარა კახი“ და მე წილად მხედა ბედნი-  
ერება მისივე რეჟისორობით მეთამაშა კახის როლი.

## პ. შარაბიძე

სასულიერო სასწავლებლის მესამე კლასში ვიწვე-  
ბორი მაშინ. მამაჩემი მოვიდა თუ არა სახლში (არ-  
დადგებები იყო), ჯერ ჩვენ გვახარა, მერე მეზობლე-  
ბში გამგზავნა სიტყმულად: ამა და ამ დღეს აკაკი  
მოლის რაჟაში და ქულზე კაცი დავეხვეთ ამოვლი-  
სასო. ყველა აღფრთოვანებამ მოიკცა. მე დედა  
ჩემმა მირჩია, რომ იმ დღისათვის სოფელ წესში  
წაესულიყავ ნათესავეებთან, რადგანაც მოსალოდნე-  
ლი იყო, აკაკი წესის მახლობლად ბარაკონში, როს-  
ტომ ერისთავის ნამოსახლზე, უფრო მეტ ხანს დაჰ-  
ყოფდა, ვიდრე რიცხულზე, და მეც გავესწიე წესი-  
სკენ. ყველამ თურმე იცოდა აკაკის მოლოდინი.  
გრძობდნენ და განიცდიდნენ.

იმ დღეს წესში ელბაქიძეების სტუმარი ვიყავი  
და დანიშნულ დროს დურგალმა გიორგი ციხაქი-  
ძემ მაჯაში წამაველო ხელი, გამიძღვა წინ და ბარა-  
კონისაკენ წამაძუხძულა: გვაგვიანდებო. გზაზე აკა-  
კის ლექსებს მამაბობინებდა და თვითონაც ამბობ-  
და. მივედით ბარაკონში, შამადავლე ერისთავის  
სამოსახლოს მიდამოებში. ეს ადგილი წესიდან ონამ-  
დე სამი ვერსით იყო დაშორებული. რიონის მარცხენა  
მხარეზე, გზატკეცილიდან მარჯვნივ, ტფობისე-  
ბურ ჭალაზე დგას ხის ძველი ქართული სტილის  
რიკულეებიანი და თაღებიანი ოღა-სახლი. ირგვლივ  
თვალწინდელი ვენახები და სათიბები აკრავს,  
გზისპირიდან კი ციხის ნანგრევები; მის იქითა მთე-  
ბიდან კიდევ კოშკები დასცქერს ამ ადგილს. აი,  
იმ ადგილებში შეგროვილიყო უამრავი ხალხი. იქე-  
დან ზოგი სოფელ კვაცხუთისაკენ დაიძრა დასავ-  
ლეთით, ე. წ. ხიდისკარს. ეს ხიდისკარი დარია-  
ლის ხეობას მოგვარებდა ერთის შეხედვით, მასზე  
უფრო ვიწროა და ისეთივე მიუვლი. აქეთ-იქით  
თვით კლდეთა გამოქვაბულში ციხე-კოშკებია სათო-  
ფელები. იგი რაჟის მფლობელის როსტომ ერისთა-  
ვის სიმაგრეს წარმოადგენდა. იმ ადგილისაკენ გას-  
წია ხალხმა და გიორგისთან ერთად მეც იმ ხალხს  
დავეყვი. ყველას სახეიშო იფრე ჰქონდა და მეც მი-  
ხაროდა, რომ აკაკის შორიდან მანძელ დაგინახავდი.  
მართლაც, სამსრობისას ეტლები მოადგა ხიდის-  
კარს. ხალხმა იგრილა და ეტლებს. მისცივიდნენ.  
გავიხვედ, აკაკი აუყვანიათ ხელში. მოჰყავთ «ვა-  
შას» ძახილით და ტაშის გრიალით. აკაკიმ შესე-  
ნება თხოვია. გულმოდგინედ დათავალაგია ხიდის-  
კარის ვიწრო მიდამოები, გაღმა მღებარე აბანო-  
ები და მერე ბარაკონისაკენ განაგრძეს გზა. აკაკის  
ეტლი ნელა მიდოდა და ჩვენ ზშირად ოვაციებს  
ვუმორთავდით მსოკვან მგოსანს. არ მეგონა, თუ  
აკაკის ნახვას, და ისიც ასე ახლო, ოდესმე ველი-  
რსებოდი. არც მახსოვს ჩემს ბავშვობაში მსგავსი  
ზეიმი რაჟებლისა.

მივედით ბარაკონს. იქ შეისვენეს მგზავრებმა.  
ეტლებმა გზატკეცილიდან მარჯვნივ გაუხვიეს. შა-

მადავლე ერისთავის სახლის გრძელი აივნის სიგრ-  
ძეზე რაჟული სუფრა გაეშალა ხალხს. ეზოში უამ-  
რავი ხალხი იყო. მე ვცდილობდი აკაკისთან ახლო  
ყოფნას. წინ ვერებოდი და პირდაპირული ვაცქერ-  
დებოდი მგოსნის სპეტაკ სახეს და წვერ-ულვაშს.  
თვითული სიტყვის გაგონებას ვცდილობდი. დას-  
ხდნენ. ახლა მორცხვი შევიქენი: არ იფიქრონ მეთ-  
ქი, თითქოს საქმელისათვის ვარ ატუზული. მოშო-  
რებით დავედქი, კედელს მივეყრდნე და ისე დავუ-  
წყვე ცქერა აკაკის. პატარა ხანს უკან მგოსანმა თი-  
თით მინიშნა მოლიო.

მივედი.

- ვისი შვილი ხარ, ბიძიკო?
- ეს, ბატონო აკაკი, ვასილ შარაბიძის შვი-  
ლი ვახლავთ,—დამასწრო გიორგიმ პასუხი.
- მართლა, ყმაწვილი?
- დიად, ბატონო.
- ძალიან სასიამოვნოა. ეს მითხარი: პეტრე შა-  
რაბიძეს იცნობთ?

მე თავი დავეღწე და ვილიმები. სიჩუმე ჩამო-  
ვარდა. იქ ვახლავართ მეთქი,—ეუბასუხე, როდესაც  
ჩემს ხელნაწერს მგოსნის ხელში მოვკარი თვალი.  
იგი ჩემს მიერ ჩაწერილ „ღვდლის შვილს“ ათვალე-  
რებდა. აღარ მახსოვს, როგორ მოხვედა აკაკის ხელში  
ჩემი რეველი. იმ ხანებში ცალკე რეველში ვიწერდი  
რაჟულ ზღაპრებს. ზღაპარი „ღვდლის შვილი“ დედა-  
ჩემმა ჩამაწერინა. იმ რეველს ყოველთვის თან და-  
ვატარებდი.

— კარგი გამოთული ენით ჩავიწერია, ბიძიკო.  
არ საიდლო კლაში. ეს კარგი საქმეა... მერე და  
შენ დაივად იცი ამ ზღაპრების მნიშვნელობა?

მგონი ნინო ნაკაშიძეზე ეუთხარ, იმან დაგვაგა-  
ლა მეთქი.

- ჩემის აზრით, ამისთანა რამ ბავშვისათვის  
ნაადრულა,—თქვა გიორგიმ.
- რუსეთის გამოჩენილი მოღვაწე დობროლუ-  
ბოვი ამის ტოლა იქნებოდა, როდესაც ჰორაკიუ-  
სი თარგმნა,—თქვა აკაკიმ.

- თქვილი სახელი?
- გიორგი, ბატონო, გვირად ელბაქიძე.
- ჩემო გიორგი, უნდა მოგახსენოთ, რომ დღეს  
ნასიამოვნები დავრჩი რაჟის ნახვასთან ერთად მით,  
რომ ვინც რაჟული ზღაპარი მასწავლა, იგი ამ წუთს  
გვერდზე მყავს მიხუტებული.

გიორგის სახეზე სიამოვნება ამოვიკითხე.  
— ახლა მე უნდა ვასწავლო მას მაგისტის უც-  
ნობი ზღაპარი. მხოლოდ, ბიძიკო, რა წიგნებს კით-  
ხულობ შენ?

— „ნაკადულსა“ და „ჯეჯილს“ მუდამ ვკით-  
ხულობ და ქართველ მწერლებში ილიასა და აკა-  
კის ეტრანები.

— ხა, ხა, ხა!—გაღიხარებარა აკაკიმ.—ლადო, ლადო, უყურე, უსმინე ამ ვაჟს, მოუსმინე და მერე მიშველე, კაცო, არ გვისმის?

— რას მიბრძანებთ, პატივეყმულო აკაკი?— გადმოვიდა მისკენ მისი თანამგზავრი.

— რა და ეს ბიჭი მეტანება, ჩამომაშორე.

ლადო მიხვდა, რომ აკაკი ოხუნჯობდა. ყველა-ნი იცინოდნენ. მე თავჩაღუნული ვიყავი.

— ყმაწვილო, — მომმართა ლადომ, — მოგზაურო-ბანი არ გაინტერესებს?

— როგორ არა. მე ფრთიოვ ნანსენის მოგზა-ურობასაც ვკითხულობ.

— ამ დღეებში, ქუთაისს დაებრუნდები თუ არა, გამოგვგზავნი «აკაკის მოგზაურობას რაჭა-ლჩხუ-ში».

მერმე შევიტყე, რომ ის ლადო ქარაუული ვნი-სა და ლიტერატურის მასწავლებელი ლადო ბზვა-ნელი იყო, გვარად ნაცვლიშვილი.

— ლადო, ამ ყმაწვილს მე ზღაპარს დავებირდი, მოდი, ჩემო მკითხველო, — მიმიყვანა აკაკი და ისე-ვე გვერდით მიმიხუტა, — იყო ერთი კურდღელი, — დაიწყო აკაკიმ და მე სმენად გადავიტყე.

— მივიდა კურდღელი მელა-კუდასთან და შეს-ჩივლა: მე უბედური ვარ, ყველა მაშინებს, მე კი ვერაფერს შევამინეო. «შე კაი კაცო, შენა» — უთხრა მელა-კუდას, — თუ არ მოიფიქრე, აბა, ვის შევამინებ გაიქციე ჩქარა, ეგერ მეცხვარე ფარას მოერეკება, შენ ბუნქებში დაიმაღლე, ფარა რომ ბუნქებს მიუახ-ლოვდება, წამოხტი და ისკუპე, ცხვრები დაფრთხე-ბიან. შენის თვალებით შეხედავ შენს შეშინებულე-ბსო. კურდღელი მართლაც ასე მოიქცა. ცხვრებმა რომ ბუნქებს მიაღწიეს, წამოხტა და ისკუპა. ცხვრე-ბი დაფრთხნენ. კურდღელი იცინის, იცინის, კვდე-ბა სიცილით. სიცილით რომ მოიქანცა, შინ წავი-და, სარკვეში ჩაიხედა და დაინახა, რომ ნამეტანი სიცილით პირი გახვოდა. — ხა, ხა, ხა! — ვხარხარებთ მსმენელები. მერმე აკაკი შემეკითხა:

— რომელმა ადგილმა გამოიწვია შენში სიცი-ლი?

— კურდღელს სარკვე საიდან ექნებოდა, ვერ-ეს ერთი. მეორეც, თითქოს მართლაც გავს ვის ზღაპარი: კურდღელს პირი თითქმის ყურებამდე აქვს აბეული.

მეორე ვიზიარებულეთ. აივანზე ღვინო გრძელდ-ბოდა. ადიდებდნენ აკაკის. აკაკი კი მისთვის გან-კუთვნილ ოთახში იყო და ისვენებდა. საინტერე-სოა იმ დღის შემდეგი ამბავი: აკაკიმ მოხუცებს სთხოვა, ეამზნათ იმისთვის რაიმე როსტომ ერის-თავის შესახებ. გიორგი ელბაქიძემ «პეტრიკელა მედავიანის ამბავი» მოუთხრო. აკაკი უღრესი ყუ-რადღებით უსმენდა. ხან გადაიხარხარებდა, ხან მოიღუშებოდა. როდესაც გიორგიმ მოათავა, აკაკი ერთხანს დაღუშებულყოფით იყო. მერმე მოთხრობას თავისებური დასკვნა გაუკეთა, გიორგის მადლობა გადაუხადა და მე მთხოვა იმ ამბის ჩაწერა. თუ მომაწვდი, კარგი იქნებოდა, თუ არა და «ჯეჯილს» გადაუგზავნეო, მერმე კი ვიტყვიო, — თქვა მგოსანმა ხაზასმით, რომ რაჭაში ჩემი მოგზაურობა — ეს იყო ჩემს პირად ცხოვრებაში თითქმის ყველა მოვ-ლენის თანაბარიო.

მეორე დღეს აკაკი ონისაკენ გამეგზავრა. იქ ხალ-ხთან საუბრისას აკაკიმ სიტყვაში თურმე აღნიშნა: უნდა გითხრათ, რომ მე ისეთი დიდი ადამიანი არა ვარ, რაც პატივი და დიდება მივიღე აქ თქვენ-გან. თქვენ მოგვევლინებათ ისეთი პიროვნება, რომე-ლიც იხარის ხალხს გაკვირვებისაგან. მეც ალტაცე-ბული ვარ თქვენის სიმბიარულს გამო, იმიტომ კი არა, რომ ეს მე გამოვიწვიე, არამედ იმიტომ, რომ გამოლდიქება გეტყობათ. არა ხართ კმაყოფილი აწ-მყოფი და ესწრაფეთი. მომაგას, თქვენ გინდათ გყავდეთ წინამძღოლი. მე მისი აზრდელიც არა ვარ. ის გმირი, რომელმაც ჯაჭვი უნდა გასწვეტოს, სხვა არის. ის მოგვევლინებთ თქვენ ახალი მოდგი-საგან... მე კი დამრჩენია გულში ჩავიკრა თქვენი სიყვარული...



# აკაკი... აკაკი!

ქუთაისის გიმნაზიაში ქართული ენის გაკვეთილი მიმდინარეობდა.

— აბა, ვინ დაასახელებს ოქროს ხანის... — დაიწყო ქართულ ენის მასწავლებელმა სილოვან ხუნდაძემ, მაგრამ ამ დროს ვაილი კარი და კლასში შემოვიდა თავაწეული მომზიბლავი მოხუცი; მას შემოჰკვა გიმნაზიის დირექტორი ოცხელი და კრიტიკოსი კიტა აბაშიძე.

— აკაკი, აკაკი... — გაიშრიალა კლასში და ყველანი ფეხზე წამოიჭრნენ. აკაკიმ ხელი ჩამოართვა სილოვანს, მეერ კლასს მიესალმა. ასევე მოიტკეა მისი ამხანაგიც. დარაჯმა უცებ შემოაბრუნინა სკამები, სტუმრები დასხდნენ...

— გამგაძეთ ბატონო სილოვან, — მიმართა აკაკიმ. — ვნახოთ, რა იციან ამ ჩვენმა ახალგაზრდებმა.

— ყმაწვილებო, აბა, ვნახოთ, რამდენად კარგად იცნობთ აკაკის შემოქმედებას, — მიმართა მასწავლებელმა.

მოწაფეები აფრთოვანებით უპასუხებდნენ, ზოგნი კი, შეშინებულნი, ვაითუ რამე შეგვეცდესო, საცოდავად გამოიყურებოდნენ. ზარმაცებს შავი დღე დაადგათ. ისე იბუხებოდნენ, თითქოს უნდოდათ ბუზის ოდენაც არ გამოჩინოლიყვნენ, მაგრამ ასეთები მხოლოდ თითო-ორი იყო.

— ჩამოთვალეთ აკაკის ისტორიული პოემები.

— „თორნივე ერისთავი“, „პატარა კახი“, „ნათელა“...

— რა იცით „ნათელადან“ ზეპირად?

— ჩონგურს სიმები გაუბია... — და ჩაარაკრაკეს ბოლომდის.

— რა ზარისაა აკაკი საქართველოს მერმისზე?

— არ მომკვდარა! მხოლოდ სინინავს და ისევე გაიღვიძებს...

— აბა, პავლე, დაიწყე: „კრულ იყოს...“ და პავლემ რიხით თქვა „ღამურას“ უკანასკნელი სტროფები.

— დაახასიათეთ აკაკის ლირიკა. და კვლავ მოხდენილი პასუხი ბიძინასი.

— რას იტყვით აკაკის პროზის შესახებ? და დათიკო შეებო „ბაში-არუსს“, ვასო კი „ჩემს თავდადასავალს“.

აკაკის სახეზე წარმტაცი ღიმილი დაჰქროდა, იცნო თავაწეულად თვით და ისმენდა, ისმენდა ახალგაზრდების სიტყვებს...

აი ზარის ხმა... აკაკი წამოდგა. მას რალაცის თქმა უნდოდა. კლასი გაინაბა.

— ყმაწვილებო, — გაისმა ტბილი ხმა. — მე ვამბობდი: არ მომკვდარა! მხოლოდ სინინავს და ისევე გაიღვიძებს მეთქი, და მწამს, რომ ეს ასეც იქნება. ის ებრ, რომელსაც თქვენისთანა ვალები ჰყავს, ძილს დააღწევს თავს. ჩვენ, მოხუცებმა, ჩვენი გავაკეთეთ, ახლა თქვენი ჯერია... — და ამას მოაკოლა:

ბეერი ვეცადე, ძიმწარეს ვერ გავუთხარე ძირი მე, ახლა კი თქვენი ჯერია, დაბარეთ, თქვენი ქირიმე! კუმბოს კარამდი მისული, რალა ვარ, განაწირი, მე, მაგრამ თან თქვენი იმედი მიმყვება, თქვენი ქირიმე!

და ღიმილით გაემართა კარისაკენ. თავგაბეტებულმა ტაშმა დაფარა მგონის სიტყვები...

# ორი მცვეანი



## ნიკოლო ნაგზილი

უმცა ზამთრის დღეა, მაგრამ მაინც არ ცივა, არც ღრუბელი ჩანს სადმე, არც ქარი სისინებს...

ყველა გარეთ გამოსულა, მზის გულზე. ბალ-ვენახებში მამაკაცებს გაუმართათ მუშაობის ფერხული, ლაფარებში ქალები სხედან, საუბრობენ და ხელსაქმნარობენ, ეზოებში ბავშვები დარბიან, თამაშობენ და ცელქობენ. ასეთ ამინდში ნალღველი ვერ აწუხებს გულს, სულს უხარია, სხეული გალღებულა. ვინ დაჯდება შინ, ვინ არ დატკბება მომამზრებელი ზამთრის ამგვარი იშვიათი დღით?!

და მთელი სოფელიც გასულა მზისგულზე... მხოლოდ ერთი კაცი, მხოლოდ ერთი მოხუცი, რომელსაც სხვაზე უფრო



მეტად უყვარს ისევე ჰუნება, უყვარს მზე, უყვარს სიცოცხლე წვეს ოთახში. მისი წვერები დადი ბუნიათა, როგორც მისი ლოგინის ზეწერა.

წვეს მოხუცო, ცალი თვალით ფანჯრიდან გალმა მთას გაჰყურებს და ფიქრობს: „აქ დავბადე, ამ ოთახში, აქ ავიხილე თვალი და ნულუ აქ უნდა დავიკრიფო გულზე ხელები, აქ უნდა მოვკვდე?“ იქვე ახლოს ჩამდინარე პატარა ლელე გონჯურა მირაქრაკებს; ცოტა მოშორებით მდინარე ჩიხურა მიწხუის და გრანობის აკვანს ურწვეს მოხუცს: რამდენჯერ უბანაევებია პატარა ბიჭუქელას ჩიხურაში, რამდენი კალმახი დაუჭერია იქ! ახლა კი...

ოთახის კარი გაიღო და ფეხაკრეფით შემოვიდა მომვლელი ქალი.

— ბატონო აკაკი, იქნებ ყურძენს მიირთმევთ? თქვენთვის კარგი რქაწითელი მივქვს შენახული, მოგიტანთ.

აკაკის ძალიან უყვარს ხილი, მათ შორის კი განსაკუთრებით ყურძენი. ახლა არაფერი უნდა, მაგრამ შეიძლება ცოტა ყურძენი ჰამოს. მომიტანეთ, — ან მინა თვალით მომვლელს ამიტომ.

არ ვასულა ერთი წუთიც, ქალმა ორი მტევანი შემოუტანა კრიალა ლანგრიით. ორივე მტევანი ერთ რქაზეა მიმაგრებული. დიდებულმა მოხუცმა მარცხენა ხელი რქას მოჰკიდა, მარჯვენაით მარცვლების ჰამა იწყო. ჰამს ნელა, ფაქიზად. ყურძენი ლამაზია, კრიალა, თვალს ატყვევებს, მაგრამ ამ წუთში გემო არ აქვს.

— ეჰ, ანიკო, ანიკო, — უთხრა მომვლელ ქალს, — თითქოს სიტკობება დაუკარგავს ამ ყურძენს! წაიღე, აღარ მინდა.

— როგორ შეიძლება, ბატონო აკაკი, მიეძალეთ, მიირთვიეთ, მადა გაგეხსნებათ, მალე მომჯობინდები!

— ვითომ მალე მოგჯობინდები? არა მგონია. წაიღე ეს ორი მტევანი ყურძენი და როცა მოგახოვო, მაშინ მომიტანე.

ქალი დაემორჩილა მოხუცის სურვილს, ფეხაკრეფით გავიდა ოთახიდან. დიდებულმა მგოსანმა კი კვლავ მაუბნეს მიაპყრო თავისი მზერა და ჩაფიქრდა.

გარეთ ისევ მზე იყო, თბილი დარი იდგა, ისევ ჩვეულებრივად მირაქრაკებდა გონჯურა, მიწხუელდა ჩიხურა. ისმოდა ბავშვების ყვირილები, ხამუშ-ხამუშ ხბოების ბლავილი. მშვიდად ისმენდა ამ ხმაურს ფიქრში წასული მგოსანი...

ასე გავიდა ის დღე. დალამდა. გათენდა. კვლავ დარი იყო. მგოსანიც კვლავ იწევა და ფიქრობდა. დროდადრო ოთახში ფეხაკრეფით შევიდოდა მომვლელი ქალი და მოკრძალებით ეკითხებოდა:

— ბატონო აკაკი, ხომ არაფერს ინებებთ?

— არაფერს, არაფერს! — წყნარი, რბილი ხმით უპასუხებდა დიდებული მგოსანი. მას არ ახსოვდა ის ორი მტევანი ყურძენი, რომელიც გუშინ გააბრუნა უკან. იქნებ კიდევ ახსოვდა, მაგრამ აღარ უნდოდა!

მომვლელი ქალი ცდილობდა როგორმე მოეგონებინა მგოსნისათვის რქაწითელის მტევნები. პირდაპირ კი ვერ ეუბნებოდა: ეშინოდა არა ვაწყენინო რა მოხუცსო. აკაკიმ ხომ ასე უთხრა: როცა მოგახოვო, მაშინ მომიტანეთ.

მაგრამ არც მეორე დღეს, არც მესამეს, არც მეოთხეს, არც არასოდეს აღარ მოუთხოვია მცოვან მგოსანს რქაწითელის მტევნები...

\* \* \*

სამეტკაცი თითებით მარცვლებამოკრეფილი მტევნები ეკიდა კედელზე და ობი ედებოდა. მიდიოდა დღეები, კვირები, წლებიც... მარცვლები უფრო შავდებოდა, ობი კი ძლიერდებოდა, უფროდაუფრო ეკვროდა მათ. რქასაც შეესივნენ პატარ-პატარა მწერები, შეესივნენ და აქა-იქ კიდევ გამოხრეს. მაგრამ რქამ არ დაკარგა თავისი ელფერი. ოცდახუთ წელზე მეტს გაუძლო მან.

ახლაც ჰკიდა მტევნებიანი რქა აკაკის ოთახში ერთ კედელზე. იქვე გაწყობილია სუფთა ლოგინი. მგოსნის საწერი მაგიდაც ჩვეულებრივიადაა, კედელზე ჰკიდა ბეჭი ნივთი, მათ შორის მგოსნის პალტო, ქუდი, საათი. იატაკზე აწყვია ფეხსაცმელები.... აქ ყველაფერი ისეა, როგორც იყო. დიდი პოეტის გარდაცვალებისას. ისეთი შთაბეჭდილებაა, თითქოს მგოსანი გარეთ გასულა და აი, საცაა გაიღება კარი და ისიც შემოვაო.

ყველა ეს ძვირფასი ნივთი დიდი მოწიწებით ინახება.

ინახება ორი მტევანიც.



# ქსვილი სიტყვები



რთხელ სადილად ისხდნენ თურმე აკაკი და პირველი საბავშვო ჟურნალის „ნობათის“ რედაქტორი ანდრია ლულაძე. ამ ანდრია ლულაძეს ღვინო რომ გადაეცრა, მალე შეერხვარალიყო. ამის შემდეგ მას აუჩემებია ერთი სიმღერა:

„მიმინო მყავდა, მიმინო მყავდა,  
მიმინო მყავდა, მყავდა—მიყვარდა!“

ანდრიას ამ ერთსა და იგივე სიტყვებით ყველასთვის მოებეზრებია თავი. მაშინ აკაკის უთქვამს თურმე ანდრიასათვის:

—ნუ ხტრობ, ანდრია, დაჩუმიდი! აბა რასა სტყუი: მიმინო რომ გყავდეს, მწყურებს მანდ რა დააყენებდაო?—და შუბლზე მიადო თურმე ხელი.



აკაკის ორმა ნაცნობმა ამხანაგმა რესტორანის ვახხნა განიჩხახა. მათ ყველაფერი მოეწყობ და მერე იმის ფიქრში ყოფილან, ისეთი რა სახენო დაერქმიათ, რომ მოკლედ ყოფილიყო და მუსტარიც ბევრი მიეზიდა. ბევრგან ეკითხათ, ბოლოს თურმე აკაკისაც მიმართეს.

აკაკიმ მოკლედ მოუპტარა:

„შუქითი“ დაარქვითო, ეს სიტყვა მოკლედ არის და მიმიზღველიც, მუსტარს ვეღარ აუხვალთ, ისე დაგეხვევიან, როგორც ბუფი თავლხასო.



ორის მოწინავე საზოგადოებამ მოითხოვა თურმე რომ გორში გიმნაზია დაეარსებინათ. ამ საკითხის გადასაწყვეტად დიდი კრებაც მოეწვიათ. კრებას აკაკიც დასწრებია. იქ საზოგადოება ორად გაყოფილა: ერთი ჯგუფი მოითხოვდა გიმნაზიის დაარსებას და მეორე კი წინააღმდეგი იყო. ამ მეორე ჯგუფს მიმხრობია თურმე ვილაც ჩიგო კალატოზიშვილი, ცნობილი მოჭიდავე, უშველებელი, ოტროველა კაცო, რომელიც ადელვებულ ხალხს კარშიც კი გაეგდო. ამ კაცზე აკაკის უოხნუჯია:

—საოცარია ჩვენი ხალხი, ამოდენა კაცისათვის „ჩიტო“ იმისათვის დაურქმევიათ, რომ ამოდენა თავში მართლა ჩიტის ჭკუა ჰქონიაო.

რთხელ აკაკი ახალ-სენაკში ჩასულა. ის თავის დასთან მიდიოდა თურმე. სენაკში სადილად დაეპატიუნათ აკაკი. ამ სადილზე დასწრებით მასწავლებელი სტეფანე ძიმისტარაშვილი, რომელიც იმდროინდელ ჟურნალ-გაზეთებში „კორტოხას“ ფსევდონიმით ზექვავდა ლექსებს. მეორე დღით, როცა აკაკი ცხენით გაესტუმრებიათ თავის დასთან, ძიმისტარაშვილს თავისი ლექსების რვეული გაუტანებია და თან შეხვეწნია:



—გადამოთვალერე და შენი აზრი მითხაროო.

აკაკი როცა დაბრუნებულა, შექოთხვიან:

—როგორ იხიამოვენ, როგორ იმგზავრეო?

—შენი მტერი მე საკმე დამეპართაო, გზაში ჩაქჩაკა ცხენმა გამათავა, იქ კიდევ ამსტეფანეს ლექსთა რვეულმა ტვინი გამილაყო. შეტრებილია ზ. ბიზინძის მიძრ.

ბევრმა უხვოელმა მოგზავრეო მწერალმა გააცნო აკაკი თავისი ლექსები. ამ საკმეში ყველაზე ბევრი არტურ ლაისტმა გააეთა.

გერმანელი მწერალი არტურ ლაისტი ჯერ კიდევ გიმნაზიელი იყო, როცა ქალაქ ბრესლავეში შემთხვევით წაითხა საქართველოს ალუბრილია. დიდი სურვილი აღძრა კაბუტს ამ ლამაზ ქვეყანაში ჩამოსულიყო და საკუთარი თვალით ენახა იგი.

ლაისტმა ეს სურვილი მხოლოდ სამი წლის შემდეგ განახორციელა.

სამშობლოში დაბრუნებისას მან გერმანულ ენაზე რამდენიმე წიგნი დაწერა საქართველოსა და მისი კულტურის შესახებ და ვეროპას გააცნო იგი. სხვა წინეთა შორის სასურადღებოა მისი „ქართველი პოეტები“ და „ქართველი ხალხი“, ორივე გერმანიაში გამოვიდა, პირველი 1886 წელს, ხოლო მეორე 1904 წელს. ეს უკანასკნელი ითარგმნა მრავალ ვერაბულ ენაზე.

„ქართველი პოეტები“ მოთავსებულია თითქმის ყველა მამონდელი ქართველი პოეტის ლექსები, მაგრამ ყველაზე დიდი ადგილი ოლიასა და აკაკის აქვს დათმობილი. მეორე წინწიცი ასევე განსაკუთრებული ადგილი ამ ორ პოეტს ეკუთვნის.

ლაისტს „ქართველი პოეტები“ მოყვანილი აქვს აკაკის მოკლე ბიოგრაფია და საკმაოდ დაწერულია აქნას გერმანულ მითხველს აკაკის შემოქმედებას. ლაისტი მშვენირად არ ეცვას აკაკის პოეტურ ბუნებასა და ღირსებას. არც გასაკვირია ეს გარემოება, რადგან იგი პირადადკაც კარგად იცნობდა პოეტს.

აი რას წერს იგი აკაკის შესახებ „წორეთი რომ დაუბახსიათთ ეს ნიჭიერი პოეტი, მას ტრუბადურთ უნდა ვუწოდოთ, რადგან იგი მრავალი ტომისათვის სამყოფო ლექსებით წამდელი „აღმომხენლად“ გვევლინება და თავისი მოხეტიალე ცხოვრების დროს სიმღერის საგანს სინამდვილიდან სესხულობდა, ისე, როგორც ამის მომენტუ უკანასკნელა. მხგესად საშუალო საუფრებობის მომდღრებობას, ისიც პირველყოფისა ღირთოსა და უმღერის ღირის ყოფილგვარ მომართობას, უმღერის სიყვარულს და ცხოვრებისადმი ღტურღვას თვით სიმუღელისა და სეგნამდე.“

ლაისტს მშვენირად შეუნიწავს აკაკის დამახსიათებელი დამკინავი ტომი-ბუმორი, რომლითა დანამებამუღელეს ჭყი-ცხადეო.

ლაისტს ესმის, რომ ორმა და გულწრფელია აკაკის სამშობლოსადმი სიყვარული, რაც მყარ საფუძველს უქმნიდა მის მშენიერ ნაწარმოებებს.

ლაისტმა თარგმნა აკაკის „სალამური“, „გაბარწყინდი ჩემო კანდელი“, „კინტოს სიმღერა“, „სიყვარული“, რამდენიმე ნაწევრეტი „თამარს ციხერიდან“ და სხვა, სულ 16 ლექსი.

ო. მ.

# ვარდით საფლავს შევმოსავ

ამ კორდიდან ჩაფუყვები მოკლე ბილიკს, ჩავალ: ვიცი, პანთონში სძინავს მგოსანს, და სტალინის ზურმუხტ ბაღში მოკრეფილი ვარდით საფლავს შევმოსავ.

და ჩავძახებ: ქართველთ ბედზე სასოებით მისვან ნათქვამს, რომ შეესხათ ფრთები ლექსებს, რომ მის სახელს, მკერდქვეშ ოქროს ასოებით ნაწერს, განცდით ვუაღერებ.

რომ მისი ხმა თვით ქარიშხლის დარად ისმის, ყვავის, როგორც ვარდი კოკორჩხავეული, რომ მის სახელს შუქი ჰმოსავს მარადისი, ჩვენს ბაღნარში დარხეული.



შუკრან ლუბანიძე.

თბილისი, მე-35 სკოლა.



## რაჭაში

...საქართველოს ყველა კუთხის ნახვის შემდეგ ვინახულე რაჭა, რომ ჩემი მოგზაურობა სანატრელი მხარის ნახვით დამესრულებინა...

აკაკი.

ხარობს რაჭა, აღის ლაყვარდ ცამდის, ამ სანატრელ ამბავს გული ვეღარ იტევს... რაღაც ხმები ზღაპარივით ღობე-ღობე დადის, დაატარებს ყველასათვის გასახარელ სიტყვებს. ყველა უხმობს ახლო მყოფელთ... ემზადება ხალხი, დასახვედრად იქაიდან ასკრიონის კართან, სოფლად დარჩნენ მარტოოდენ ცარიელი სახლნი, დიდ აკაკის შესახვედრად ყველა გაემართა. როს გამოჩნდა მეჩონგურის სხივის მფრქვევი სახე, ხალხი დიდი სიხარულით მისკენ გაემართა... ყველასათვის საყვარელი! ნეტავ მეც მენახე სიხარულში გახვეული ასკრიონის კართან!

ამთანადილ შიფინაშვილი.

თბილისი, მე-46 სკოლა.

## მკიერა კოსნახთან



ეს მოხდა ახლა, მტრედისდერ დილით, მღეროდა ლექსი, როგორც ფრთოსანი... თოვლით ნაბარღნი ნაძვის ღიმილით მოშიახლოვდა დიდი მგოსანი. მიღმარე მოხუცს შევიხელ ისე, დილით რომ შხისთვის შემიხედია... მის თვალში ცეცხლი ღვიოდა ისე, გულიც უცემდა მილომკერდიანს. „დიდო მგოსანო!—ვთქვი უხერხულად: — „შეგარდენივით ფრთავაშლილი ხარ“... მინაც მომიკიდა ხელი ერთგულად, მკითხა: — „ახალი ქვეყნის შვილი ხარ?!“ გაეშალე გული, მინდოდა მეთქვა, ყველაფრის თხრობა მეწყო თავიდან... მითხრა: — ვიციო მაგ გულის ფეთქვა, სამჯერ მაკოცა და მსწრაფლ წავიდა. ჰოი, იმ წუთებს მე ახლაც ვნატრობ, ისე უუცრად რომ განვიცადე... ასე მეგონა, მე ვიყავ მარტო დაუსრულებელ მიწიდან ცამდე.

შალვა ბაქიაძე.

თბილისის მობრდილო I სკოლა.

აკაკის სპარჟო.

ლამაზია ზაფხულის ღამე!

სძინავს სატფოს. ნანას უმღერის მღინარე მტკვარი. ცად აზიდული მთები ბანს აძლევენ, ტოტებვაშლილი ხეები მღღუმარედ დასცქერიან და შემდეგ მის ქება-ღიღობას მოჰყვებიან:

— ცა-ფირუზ, ხმელეთ-ზურმუხტო—ჩურჩულებს ნიავი.  
— მშვენიერო, შენ ვეტრფი.—კისკისებს მტკვარი. მოციმციმე ვარსკვლავები ღიმილით დაჰყურებენ ჯერ არ ნახულ, უცნობი ბუნების ღედღოფალს. მთვარე კი ნაზად უკოცნის კალთებს და მძინარის სახეზე კიბხულღობს მის ტანჯვის ისტორიას.  
ნაძვები, ნაძვები, მაღალი ნაძვები, მღღუმარე ნაძვები!

უყურებს მთვარე სატფოს მთმომიბარი თვადებით და აგონდება...  
გაელიმა მთვარეს, გადახედა აკაკის საფლავს და შემოხვია ნათელი სხივები. შეგროვდნენ ვარსკვლავები ჯგუფ-ჯგუფად, ააციმციმეს თვადები და ცის გუმბათზე ამოქარგეს სახელი: ა კ ა კ ი.

აღიონზე მორცხვმა მზის სხივებმა ჩაიკრეს გულში სატფო, დაუკოცნეს ბადრი და ლამაზი პირისახე. გროღმა სიომ სიცქელქით გაინავარდა, მონახა აკაკის საფლავი და ჩურჩულით ამცნო თავისი სატფოს გამარჯვება.

თბილისის მე-12 სკოლის მოსწ. მანანა კუშუხიძე.

ბ ი ნ ა ა კ ს ი

	გვ.
1. აკაკი წერეთელი,—ძველ სამეფოს (ნაწვეტი ლექსიდან)	1
2. აკაკი წერეთელი,—მოსწავლე და მასწავლებელი (ამბავი)	2
3. აკაკი წერეთელი,—გახაფხული (ლექსი)	3
4. შალვა დადიანი,—დიდი ბაბუა (მოგონება)	4
5. ვალაკტიონ ტაბიძე,—აკაკი წერეთლის ბავშვობა და ყრვობა (ნაწვეტი პოეზიიდან)	5
6. ვ. კარსანიძე,—მისი სიყრმის ლექსები (მოგონება)	6
7. ლადო ზვანელი,—ერთ ლიტერატურულ საღამოზე (მოგონება)	7
8. სოლომონ ცაიშვილი,—მანანა უდიდოსაძე (ნარკვევი)	7
9. ხანდრო ჟღენტა,—სტუმრად ილიასთან (ლექსი)	8
10. აკაკის ფსევდონიმები	9
11. დარია ახვლედიანი,—დამიწუნეთ? (მოგონება)	9
12. ნიკო გვარამე—ჩემი პირველი რეჟისორი (მოგონება)	10
13. პ. შარაბიძე,—ტკბილი მოგონება	11
14. შალვა თაბუკაშვილი,—აკაკი... აკაკი...! (მოგონება)	13
15. ნიკოლოზ ნაგრელი—ორი მტკვანი (ნარკვევი)	13
16. მახვილი სიტყვები,—შეკრებილი ლ. ჭიჭინაძის მიერ	15
17. თ. შ.—აკაკის მთარგმნელი—არტულ ლაისტი	15
18. ნორჩ ავტორთა შემოქმედება	16
19. პატარა კახი (სურათი)	16

გვარკანის მე-4 გვ.

პასუხისმგებელი რედაქტორი ბნ. დუშარბიძე  
პასუხისმგებელი მდივანი ნ. სირბილაძე

ქურნალი გაფორმებულია მხატვრების  
ე. ქიკავიშვილისა და ვ. ჯავახიშვილის მიერ

გადაცა წარმოებას 25V-40 წ.  
ხელმოწერილია დასაბეჭდად

ქალაქის ზომა 60X92  
ფორმათა რაოდენობა 20 გვ. 91, X 14

ნ 23/321

რეკლ. 23

1470  
ეროვნული  
ბიბლიოთეკა

ზანი 50 კპვ.

სიანური



აკაკი წერეთლის საიუბილეო დღეებისათვის, ქობილისის ქართულმა მოზარდ მაყურებელთა თეატრმა თავის მაყურებლებს უჩვენა აკაკის ისტორიული პიესა. „პატარა კახი“.

პიესა დადგა რესპუბლიკის დამსახურებულმა არტისტმა ალ. თაყაიშვილმა.

სურათზე: მსახიობი ვ. ნინუა პატარა კახის როლში.

„პიონერი“ საქ. აღკვ ცენტრალური კომიტეტისა და განსახკომის ერთთვიური ჟურნალი.  
„Пионери“ Журнал Центрального Комитета ЛКСМ и Наркомпроса Грузии.

1940 წ. ივნისი. № 6.